

ხელშეკრულება №132სშ
სახელმწიფო შესყიდვის შესახებ
(აუქციონის გარეშე ელექტრონული ტენდერი-NAT220013540)
(CPV- 48800000; 48823000)

ერთი მხრივ, **სსიპ-საქართველოს ეროვნული არქივი** (ს/კ 211358957), შემდგომში-შემსყიდველი, წარმოდგენილი მისი გენერალური დირექტორის **თეონა იაშვილის** სახით და მეორე მხრივ, **შპს „იუჯიტი“** (ს/კ 204892964), შემდგომში-მიმწოდებელი წარმოდგენილი გენერალური დირექტორის **ერმილე სულამის** სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის, „სახელმწიფო შესყიდვების შესახებ“ საქართველოს კანონის, ამავე კანონის მე-16¹ მუხლის პირველი პუნქტის შესაბამისად, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“** (შემდგომში-„ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს).
- 1.2. „ხელშეკრულების ღირებულება“**-საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“** - კალენდარული დღე, კვირა, თვე.
- 1.4. „შემსყიდველი“** - ორგანიზაცია, რომელიც ახორციელებს შესყიდვას.
- 1.5. „მიმწოდებელი“** - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“** - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“** - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

სასერვერო ინფრასტრუქტურის (2 ცალი სერვერი და 1 ცალი სთორიჯი) თანმდევი მომსახურებით
(მიწოდება/მონტაჟი/ სისტემის გაშვება) სახელმწიფო შესყიდვა სატენდერო დოკუმენტაციის, ხელშეკრულების პირობებისა და №1 დანართის
შესაბამისად
(CPV- 48800000; 8823000)

3. ხელშეკრულების ღირებულება

- 3.1. ხელშეკრულების ღირებულება შეადგენს- 115'300.00 (ას თხუთმეტი ათას სამასი) ლარს, დღგ-ის გათვალისწინებით.**
- 3.2. ხელშეკრულების ღირებულება საქონლის ღირებულების გარდა, ასევე მოიცავს მიმწოდებლის მიერ წინამდებარე ხელშეკრულების შესრულებასთან დაკავშირებით გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.**
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს ხელშეკრულების ჯამური ღირებულების 10 % .**

4. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს, წინამდებარე ხელშეკრულების მე-2 მუხლით გათვალისწინებული საქონლის მიწოდება, ხელშეკრულების პირობების, სატენდერო დოკუმენტაციისა და №1 დანართის შესაბამისად, რაც წარმოადგენს ამ ხელშეკრულების განუყოფელ ნაწილს და განიხილება მასთან ერთად. ამასთან, N1 დანართით გათვალისწინებული შესყიდვის ობიექტის განთავსება, მონტაჟი და სისტემის გაშვება უზრუნველყოს, სსიპ -საქართველოს ეროვნული არქივის სასერვერო ინფრასტრუქტურაში, ყველა საჭირო კომპონენტის მიწოდება, რომელიც საჭიროა აღნიშნული ინფრასტრუქტურის გასაშვებად უნდა განახორციელოს მიმწოდებელმა. ამასთან, მოწოდებული პროგრამული თუ აპარატურული მოდულის ლიცენზია უნდა იყოს უვადო.
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს მიწოდებული საქონლის ინსპექტირება და დადებითი შეფასების შემთხვევაში მისი მიღება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. საქონლის ხარისხი და გარანტია

- 5.1. მიწოდებული საქონელი უნდა იყოს მაღალი ხარისხის და შეესაბამებოდეს წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული №1 დანართში აღნიშნულ მაჩვენებლებს;**
- 5.2. მიწოდებულ საქონელზე ვრცელდება მწარმოებლის 3 (სამი) წლიანი გარანტია 24 სთ x 7 დღე რეჟიმში (მუდმივად) მხარდაჭერით. საგარანტო ვადის ათვლა დაიწყება საბოლოო მიღება-ჩაბარების აქტის გაფორმებიდან.**
- 5.3. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტო ვადის განმავლობაში მიმწოდებელმა საკუთარი ხარჯებით უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი (ტრანსპორტირების ჩათვლით), საჭიროების შემთხვევაში უზრუნველყოს წუნდებული საქონლის შეცვლა ახლით, ასეთი ხარვეზის/წუნის გამოვლენიდან შემსყიდველთან შეთანხმებულ გონივრულ ვადაში.**

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2. ინსპექტირებას განხორციელებს სსიპ-საქართველოს ეროვნული არქივის ინფორმაციული ტექნოლოგიების სამსახურის უფროსი ან იმ დროისათვის მისი მოვალეობის შემსრულებლები.

6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი მოწოდებულ საქონელზე, მიმწოდებელი ვალდებულია დაუყოვნებლივ გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს გადახდილი საქონლის ღირებულება.

7. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ფაქტობრივად მიწოდებული საქონლის შესაბამისად, კონტროლის განმახორციელებელი პირის მიერ შედგენილი დადებითი ინსპექტირების დასკვნის საფუძველზე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო: 2022 წლის საკუთარი შემოსავლები.

8.2. მიმწოდებლის მოთხოვნის საფუძველზე ანგარიშსწორება განხორციელდება ხელშეკრულების ჯამური ღირებულების 80%-ის წინასწარი გადახდის მექანიზმის გამოყენებით, მიმწოდებლის მოთხოვნისა და მის მიერ წარმოდგენილი წინასწარ გადასახდელი თანხის იდენტური ოდენობის, საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ-ს საქართველოს დაზღვევის სახელმწიფო ზედამხედველობის სამსახურის მიერ ლიცენზირებული სადაზღვევო კომპანიიდან გაცემული საავანსო გარანტიის საფუძველზე, რომლის მოქმედების ვადა არანაკლებ 30 (ოცდაათი) დღით უნდა აღემატებოდეს შესყიდვის ობიექტის მიწოდების ვადას. თეთრ სიაში რეგისტრირებული პრეტენდენტისთვის გარანტიის ოდენობა ნახევრდება. მიმწოდებელმა საავანსო გარანტია უნდა წარმოადგინოს ხელშეკრულების ძალაში შესვლის თარიღიდან 5 (ხუთი) სამუშაო დღის ვადაში. შემსყიდველი ვალდებულია უზრუნველყოს წინასწარი ანგარიშსწორება მიმწოდებლის მიერ გარანტიის წარმოდგენიდან არაუგვიანეს 5 (ხუთი) სამუშაო დღის ვადაში.

8.3. გარანტიები უნდა იყოს უპირობო და გამოუთხოვადი. ამასთან, შემსყიდველ ორგანიზაციას გარანტიის საფუძველზე თანხის მოთხოვნასთან დაკავშირებით, გარანტიის გამცემი დაწესებულების მიმართ არ წარმოემგება რაიმე სახის დასაბუთების დამატებითი ვალდებულება. (აღნიშნული არ შეიძლება გახდეს გარანტიის გამცემი დაწესებულების მიერ შემსყიდველი ორგანიზაციისათვის თანხის გადარიცხვასთან დაკავშირებით უარის თქმის მიზეზი).

8.4. წინასწარ გადახდილი თანხის სრულად გაქვითვის შემდეგ ანგარიშსწორება იწარმოებს ფაქტობრივად მიწოდებული საქონლის მიხედვით, შესაბამისი საგადასახადო ანგარიშფაქტურის წარმოდგენისა და მიღება-ჩაბარების აქტის საფუძველზე. საბოლოო ანგარიშსწორება განხორციელდება საგადასახადო ანგარიშფაქტურის დადასტურებიდან 10 (ათი) სამუშაო დღის განმავლობაში.

8.5. შემსყიდველი უფლებამოსილია, ხოლო მიმწოდებელი თანახმაა ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს მიღება-ჩაბარების აქტის საფუძველზე, მიმწოდებელზე გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდზე.

9. ხელშეკრულების შესრულების შეფერხება

9.1. ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული საქონლის მიწოდების ვადების ან/და პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.2. წინამდებარე ხელშეკრულების 6.3 ქვეპუნქტით განსაზღვრული ვადების გადაცილების შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02 %-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული ვადების ან/და პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.4. წინამდებარე ხელშეკრულების 8.2 და 8.4 პუნქტებით განსაზღვრული ვადების ან/და პირობების დარღვევის შემთხვევაში, მიმწოდებელი უფლებამოსილია შემსყიდველს დააკისროს პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.5. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 1(ერთი) პროცენტს, შემსყიდველი ითხოვს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.6. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1.ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2.თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს ქ. თბილისის საქალაქო სასამართლოს.

13.ხელშეკრულების შეწყვეტა

13.1.შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2.ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3.ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14.ხელშეკრულების მოქმედების ვადა

ხელშეკრულება ძალაში შედის მხარეთა ხელმოწერის თარიღიდან და მოქმედებს 2022 წლის 31 დეკემბრის ჩათვლით, ხოლო საგარანტიო ნაწილში მე-5 მუხლის 5.2 პუნქტით განსაზღვრული ვადით.

15. ფორს-მაჟორი

15.1.წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2.ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საკუთარი შემოსავლების მკვეთრი შემცირებით და სხვა.

15.3.მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების მოთხოვნის შესაბამისად.

17.მხარეთა რეკვიზიტები

შემსყიდველი:

სსიპ- საქართველოს ეროვნული არქივი
ს/კ 211358957
მისამართი: ქ. თბილისი, ვაჟა-ფშაველას გამზ.№1
ტელეფონი: 238-14-25
საბანკო რეკვიზიტები:
ბანკის კოდი: TRESGE22
სახელმწიფო ხაზინა;
ანგ.№ GE24NB0330100200165022

მიმწოდებელი:

შპს „იუ-ჯი-თი“
ს/კ 204892964
მისამართი: ქ. თბილისი, ი.ჭავჭავაძის გამზ №17ა
ტელეფონი: 2 220505; +995 597 708 704;
ელ.ფოსტა: ugt@ugt.ge; Davit.Khaindrava@ugt.ge
საბანკო რეკვიზიტები: სს „თიბისი ბანკი“;
ბანკის კოდი: TBCBGE22;
ანგ.№: GE05TB0600000005467291

დანართი №1

№ 1	შესყიდვის ობიექტის დასახელება სერვერი	შესყიდვის ობიექტის ტექნიკური მახასიათებლები • სერვერის ტიპი: 1U, Rack-ში დასამონტაჟებელი ყველა საჭირო აქსესუარით; • პროცესორი: 2 ცალი Intel Xeon Gold 5318Y 2.1G, 24C/48T, 11.2GT/s, 36M Cache, Turbo, HT (165W); მე-3 თაობის Intel Xeon ტიპი; 24 ბირთვი პროცესორზე; 2.1GHz სიხშირით; 36 MB ქეშით; 10 nm ლითოგრაფიით; • ოპერატიული მეხსიერება: 256GB ; Dual Rank RDIMM; • დისკის სათავსოები: 8 ცალი 2.5-inch hot-swap SAS/SATA • დისკები ოპერაციული სისტემისთვის: 480GB SSD RI 1 DWPD • რაიდ კონტროლერი: აპარატურული Raid 1, 0 -ის მხარდაჭერა • ქსელის ბარათი: 1Gb 2-Port RJ45 Ethernet Adapter LOM (1Gb 2 ცალი RJ45 Ethernet ინტეგრირებული პორტი 1 ცალი RJ-45 1GbE პორტი) • ქსელის ბარათი: 10/25 GbE 2 ცალი SFP28 პორტით (თავსებადი SFP+ სთან) OCP 3.0, (შესაბამისი SFP ადაფტერებით) • ლიცენზია: უვადო ლიცენზია დისტანციური მართვისთვის; • კაბელი: სრულად თავსებადი მოთხოვნილ მასივთან შეერთებისთვის; • თავსებადობა ოპ. სისტემებთან: სრული თავსებადობა VMware vSphere ESXi 7.0-თან; • კვების ბლოკი: Dual, Hot-plug, PSU (1+1), 800W, (2 ცალი სრულიად თავსებადი მოცემულ სერვერთან ყველა საჭირო კაბელით);	შესყიდვის ობიექტის რაოდენობა და განზომილების ერთეული (ცალი) 2 ცალი	შესყიდვის ობიექტის წარმოშობის ქვეყანის, მწარმოებლისა და მოდელის შესახებ ინფორმაცია წარ.ქვეყანა: აშშ; მწკომპანია: DELL EMC; მოდელი: PowerEdge R450 Server	შესყიდვის ობიექტის ერთ. ფასი დღგ-ს ჩათვლით 28,800.00	შესყიდვის ობიექტის მთ. ფასი დღგ-ს ჩათვლით 57,600.00	ინფორმაცია საგარანტიო ვადისა და პირობების შესახებ მწარმოებლის 3-წლიანი გარანტია, 24 სთ x 7 დღე რეჟიმში.	შესყიდვის ობიექტის მიწოდების პირობები ვადა და ადგილი მიწოდების ვადა: ხელშეკრულების ძალაში შესვლის თარიღიდან 60 (სამოცი)დღე. მიწოდების ადგილი: ქ.თბილისი, ვაჟა-ფშაველას გამზ.№1; სსიპ - საქართველოს ეროვნული არქივის ადმინისტრაციული შენობა.
-----	---------------------------------------	---	--	--	--	---	---	---

2	სთორიჯი	- სთორიჯის ტიპი: 2U, Rack-ში დასამონტაჟებელი ყველა აქსესუარით; - მყარი დისკის სათავსოები: 24 ცალი 2.5" ზომის დისკური სლოტი; - მყარი დისკები: 14 ცალი 2.4TB 10K SAS 12Gbps 2.5" ზომის; - კონტროლერი: dual-active არქიტექტურა, 32 GB ქეში მასივზე; - პროცესორები კონტროლერზე: Intel Xeon ტიპის; - RAID-ის მხარდაჭერა: 1, 5, 6, 10, Distributed erasure coding/Distributed parity ტექნოლოგიის მხარდაჭერა • გარე ინტერფეისების მხარდაჭერა: 10/25GbE iSCSI, ყველა საჭირო კაბელით ლიცენზიით და შეერთებით მოწოდებულ სერვერებთან; - მართვის ინტერფეისები: 1 ცალი 1 GbE (UTP, RJ-45) თითო კონტროლერზე; - კვების ბლოკი: 2 ცალი, სრული თავსებადობა მოწოდებულ სთორიჯთან (ყველა საჭირო კაბელით);	1ცალი	წარ.ქვეყანა: აშშ; მწ.კომპანია: DELL EMC; Dell მოდელი: ME5024 Storage Array	57,700.00	57,700.00	მწარმოებლის 3-წლიანი გარანტია, 24 სთ x 7 დღე რეჟიმში.	შესყიდვის ობიექტის მიწოდების პირობები ვადა და ადგილი მიწოდების ვადა: ხელშეკრულების ძალაში შესვლის თარიღიდან 60 (სამოცი)დღე. მიწოდების ადგილი: ქ.თბილისი, ვაჟა-ფშაველას გამზ.№1; სსიპ - საქართველოს ეროვნული არქივის ადმინისტრაციული შენობა.
				ჯამი:		115,300.00		

სსიპ- საქართველოს ეროვნული არქივი

ს/კ 211358957

მისამართი: ქ. თბილისი, ვაჟა-ფშაველას გამზ.№1

ტელეფონი: 238-14-25

საბანკო რეკვიზიტები:

ბანკის კოდი: TRESGE22

სახელმწიფო ხაზინა;

ანგ.№ GE24NB0330100200165022

შპს „იუ-ჯი-თი“

ს/კ 204892964

მისამართი: ქ. თბილისი, ი.ჭავჭავაძის გამზ №17ა

ტელეფონი: 2 220505; +995 597 708 704;

ელ.ფოსტა:

ugt@ugt.ge; Davit.Khaindrava@ugt.ge

საბანკო რეკვიზიტები: სს „თიბისი ბანკი“;

ბანკის კოდი: TBCBGE22;

ანგ.№: GE05TB0600000005467291